

**TRACTATUS DE  
AMORE, CULTUQ.  
REGINAE CAELI  
COMPENDIO  
SCRIPTUS PER...**

---

Juan : de Jesús María





204.16.B.23

Sacrae Cœmi Montis Virginis Carmelita-  
rũ Discalceatorũ  
✠





TRACTATVS  
DE AMORE,  
CVLTVQ.  
REGINAE CAELI  
COMPENDIO SCRIPTVS  
PER R. P. F. IOANNEM  
à Iesu Maria Carmelitam Discalceatum  
Calaguritanum.  
AD SANCTISS. D. N.  
PAVLVM V. P. M.



ROMAE, Typis Iacobi Mascardi. 1615.  
SVPERIORVM PERMISSV.

**F.** Dominicus à Iesu Maria Vicarius Generalis Congregationis S. Eliæ Fratrum Discalceatorum, Ordinis B. Virginis Mariæ de Monte Carmelo libellum hunc inscriptum: *De amore, cultuq. Regina Cali*, à R. P. F. Ioanne à Iesu Maria eiusdem Congregationis, compositum, probo vt typis mandetur, si placuerit Reuerendissimo D. Vicesgerenti, & Reuerendissimo P. Magistro Sacri Palatii. Datum Romæ in Coenobio nostro S. Mariæ de Scala die 1. Augusti. 1615.

*F. Dominicus à Iesu Maria Vicarius Generalis.*

**Imprimatur**, si videbitur Reuerendis. P. Magistro Sacri Palatii Apostolici.

*Cesar Fidelis Vicesgerens.*

**Imprimatur.** Fr. Gregorius Donatus Rom. Lector, & Reuerendis. P. F. Hyacinthi Petronij Rom. Sacri Palatii Apostolici Magistri Socius, Ord. Præd.



SANCTISSIMO, D. N.  
PAVLO QVINTO  
PONTIFICI MAX.



F. R. IOANNES F.



V A M piè Cali  
Reginam colas,  
Pontifex Maxi-  
me, fat persuasum est,  
tum alijs argumentis,  
tum Sacello illo, in Ex-  
quilino colle à te con-



2

stru.

structo, quo, ut fama  
percrebuit, nullum in or-  
beterrarum cernitur ma-  
gnificentius.

Credendum procul-  
dubio, ædificium opero-  
sissimum amplificando  
Virginis cultui destina-  
tum, fuisse ipsi acce-  
ptum, uti fuit Ioannis  
Patritij Romani votum,  
cui nix in medio Augu-  
sti æstu, noctu delapsa fi-

dem



dem astruxit. Credendum præterea, tui Pontificatus gloriam à Clementissima Regina, ingenio quidem suo ad opem propensa, auctæ pietatis occasione, multis accessionibus prouehendam, & quod caput est, æternam, quam exoptas salutem, sub illius auspicijs, tibi ex voto successuram. Fidenter ergo age,

Vtc-

utereq. breui scripto hoc,  
quod tibi supplex nun-  
cupo, ad Virginis amo-  
rem, & cultum appositè  
ad praxim exarato; vt be-  
nè currens inciteris, mo-  
liarisq. maiora, quibus  
propagetur cultus Re-  
ginæ Cæli: sub qua Tu-  
telari, quod impensè pre-  
cor, Ecclesiæ Catholicæ  
diutissimè, ac felicissimè  
præsis.

---

INDEX

# INDEX CAPITVM.



## CAPITA PARTIS PRIMÆ.

De Dotibus, quæ Reginæ Cæli amo-  
rem excitant.

<b>P</b> Vlchritudo. Cap. I.	car. 1
Decor. Cap. II.	4
Lux. Cap. III.	8
Puritas. Cap. IV.	10
Nobilitas. Cap. V.	12
Sapientia. Cap. VI.	14
Gratia. Cap. VII.	15
Opulentia. Cap. VIII.	19
Potentia. Cap. IX.	21
Misericordia. Cap. X.	23
Multiplies alie Dotes. Cap. XI.	25
Ecclesiæ affectus erga Cæli Reginam.	.
Cap. XII.	26


CAP-

# CAPITA PARTIS SECVNDÆ.

## De Cultu Reginae Cæli.

<b>Q</b> uid primum à cultore Virginis præstandum. Cap. I.	car. 28
Quid ob tutelam Virgini reddendum. Cap. II.	30
Quid a quouis Reginae Cæli cultore præsertim agendum. Cap. III.	33
Quid summo mane a cultore Virginis præstandum. Cap. IV.	35
Quid in processu diei ad cultum Virginis agendum. Cap. V.	36
Quid ante somnum a Virginis cultore observandum. Cap. VI.	38
Quid in Virginis festis agendum. Cap. VII.	car. 39
Qualis erga Cæli Reginam debeat esse devotio. Cap. VIII.	40
Qualis debeat esse Virginis æstimatio. Cap. IX.	41
Precatio quæ præcipuas Summi Pontificis curas complectitur.	43

PARS PRIMA.  
DE DOTIBVS,  
QVÆ  
REGINAE CAELI  
AMOREM EXCITANT.



Pulchritudo. Cap. I.



EGINÆ Cæli forma,  
quæ in corpore ipsius im-  
mortali cernetur, post re-  
giam Corporis Christi  
speciem, Beatorum oculis iucundissi-  
mum æuo sempiterno spectaculū ex-  
hibebit. Si enim pulchritudo morta-  
lis multiplici deformitate permixta,

A quam

quam passim intuemur , corda capit , imperio ipsius vltro parentia; quid de forma statu gloriæ perfecta censendum? Profectò non temerè à Græcis pulchrum καλὸν dicitur , à calando , hoc est , vocando , quod omnia ad se vocet , sibiq. velut adstringat . Quàm ergo efficaciter supernorum ciuium animos permulcebit suauissima Reginæ tantæ pulchritudo? Vim formæ illius victricem cordium sensit Ecclesia , vbi eam sibi subtrahi , cæloque vt imperaret , inferri contemplans , sic abeuntem affatur :

In Assumptionis festo .

*Virgo prudentissima, quò progredieris, quasi aurora valde rutilans? Filia Sion, tota formosa, & suavis es, pulchra vt Luna, electa vt Sol.*

Si autem pulchritudo , quæ corporeis patebit Beatorum oculis, eloquen-

tiam

iam omnem, sensumq. facile vincit; quid de interna dicendum? Sanè vt externa coalescit ex apta membrorum proportionem, cum quadam suauitate coloris, ita interna ex mira virtutum consensione, ac diuino quodam splendore confurgit. Quæ quàm viua polleat energia, ex eo planè perspicitur, quod ipsum quoque Deum mirifice delectat: quod ex vno Salomonis Cantico censerì potest, in quo Deus ipse arcana desponsæ sibi animæ formæ captus, ac velut saucius, tanquam egregij pictoris pennicillo depingitur. Si ergo interna Agnetis, vel Catharinæ pulchritudine sponsus Deus allicitur; quàm erit immensa pulchritudo Mariæ, quæ tanto sibi arctius Deum adstrinxit? Quàm suauiter Beatorum internam formam planè absolutissi-

mam puro mentis intuitu contemplantium animos afficiet? Marię pulchritudo cordium magnes est, quo summa cum voluptate trahuntur Cælites, & quod excelsius est, ipse Cælitum Rex: nam vt canit Ecclesia:

*Ornatam monilibus filiam Ierusalem  
Dominus concupivit.*

Hęc gloria formæ. Non vltra pro-  
curritur.

## Decor. Cap. II.

**Q**Uod in corporibus externa, vel in animis interna pulchritudo, hoc in actionibus decor est: vt enim illa è membrorum proportionē, vel connexionē virtutum, ita hic ex actuum moderatione, & concinnitate conflatur, vbi expensis circumstan-



tijs actus venusti ad lineam rationis exiguntur, nihilq. agitur, quod minime deceat. Decor vulgo gratia dictatur, nomine ad rem satis appposito. Exploratum est autem, decorem, seu venustatem actionum ad amorem excitandum ponderis habere plurimum, tametsi forma parùm commendetur: qui enim venustè intuentur, loquuntur, incedunt, cæterosq. familiares actus obeunt, licet pulchritudo desit, perplacent, seq. in animos spectatorum penitus insinuant. Iam verò si forma præstent, exprimi nequit, quibus accessionibus amorem exaggeret. Cum ergo Cæli Regina vt pulchritudine, ita & decore apprime excellat; quis possit assequi, quàm efficaciter spectatores suos venustissimis actibus demulceat? Siue statum, siue inces-

lum, siue sessionem contemplemur, eximius decor est. Quid si intuitum, sermonemq. obseruemus? Felices plane ij, qui venustate tanta puri amoris altrice fruuntur! Non absque consilio canitur ei:

*Pulchra es, & decora filia Ierusalem.*

Quis possit eloqui, quàm venustè in Cælos penetrarit, & ad paratû sibi Thronum vltra Seraphim vertices, specie, ac decore præstantissima Regina processerit? Quo lepore Filium Regem immortalè salutauerit? Quam graui, miti, læto, synceroq. intuitu, ciues cælestes dulcissima pulchritudine suspensos circumspexerit? Cælitum sensum incassum coner æquare. Milites prætorix cohortis Holophernis elegantem Iudith formam, decorem, leporemq. mirati extulerunt verba hæc:

*Non*

*Non est talis mulier super terram in  
aspectu, in pulchritudine, in sensu ver-  
borum.*

Iudith  
11.

Exploratores autem, qui eam cepe-  
rant, mox ac præsentem aspicere, &  
dicentem audire potuere, vehementer  
admirati sunt, sicut scriptum est:

*Et cum audissent viri verba eius,  
considerabant faciem eius: & erat in  
oculis eorum stupor, quoniam pulchritu-  
dinem eius mirabantur nimis.*

Iudith  
10.

Fuit autem formæ, ac decoris æsti-  
matio tanta, vt satellites Holophernis  
dicerent:

*Quis contemnat Populum Hebræo-  
rum, qui tam decoras mulieres habent,  
vt non pro his merito pugnare contra eos  
debeamus?*

Iudith  
10.

Si ergo censores pulchritudinis, ac  
venustatis parum absolutæ, & corru-

ptioni obnoxia stupent, & pro ea generosè decertare constituunt; quid non audendum, & peruincendum, vt confecto mortalitatis cursu, formam Reginae nostrae, gloriae statui per capita omnia congruentem detur tandem intueri?

## Lux. Cap. III.

**F**ormae, ac decoris vis luce affulgente se prodit, spectatoresq. mirifice afficit. Est enim lux (vt Damascenus lib. 2. de fide cap. 7. sensit) decus, atque ornamentum visibilis creaturae, cuius pulchritudinem conspicuam reddit. Corpora verò gloriae statu iam immortalia, iuxta Scripturam sacram, communemq. Patrum interpretationem, sole ipso splendidiora

fore,

fore, constitutum est. Erit sane lux perfectissima, quæ intuentes minime perstringet, sed perceptione suauissimam voluptatem pariet. Cum ergo Apostolus de Christo iustos remunerante vniuersè protulerit:

*Reformabit corpus humilitatis nostræ, configuratum corpori claritatis suæ:* Philip. 3.

Qua luce Reginā Cæli, propriamq. parentem perfudisse credendus est? Quam arctè pulchritudo illa regia, formosissimo splendore conspicua animis spectatorum hærebit? Ciuitas illa superna corporis pulcherrimi similitudinem gerit, cuius ciues tanquam bene cohærentia membra, caput, specie imperio digna, Christus, collum velut eburneum Maria est. Collum ergò illud appositè ad lucem capitis, purissimo nitore splendeat, cuius a-

more

more immenso Ierusalem beata cōfla-  
grabit. Nos exules stellis coronatam,  
Sole amictam, Luna velut calceatam  
Reginam cæli concipimus: at hæc  
perexigua sunt, si cum gloriæ luce  
conferantur.

## Puritas. Cap. IV.

**A** Moris conciliatrix puritas est:  
vnde quæ pura sunt, eo ipso  
placent, vt purum speculum, purus aer,  
purum cælum. Quam ergo placebit  
Regina Cæli ea nitens puritate, qua  
maior sub Deo, nequit intelligi? Sane  
quod ad corpus attinet, Virginitas illa  
cæterarum Virginum candorem im-  
menso vincit excessu, qui conceptui,  
partuiq. candoris ipsius, Verbi scilicet  
æterni, congruere possit. Quod vero  
ad animum spectat, perfectissima, &

diui-

S. Bonav.  
in spec.  
Virg. c. 1  
ex An-  
selmo.

Diuinitati finitima puritas est ; quæ omnino decuit eam , quæ Dei Verbum altius concepit mente,quàm corpore, & nulla vnquam culpæ nebula obducta fuit. Hæc ergo tam exacta puritas pulchritudini sociata , quàm alte spectatoribus imprimeretur? Quam puros amoris motus excitabit ? Theologi certe grauissimi tradiderunt eam fuisse in hac mortalitate Virginis pulchritudinem , quæ dum aspiceretur , castitatem ingeneraret , concupiscentiæ motus extingueret , qui sunt effectus virgineæ illius puritatis plane mirabiles . Quid ergo nūc iuxta puritatis fontem residens efficiet ? Quam pura voluptas è Regina illa,tanquam è fontis cratere,aquæ more purissimæ,multis velut sulcis discretæ, in animos intuitum deriuabitur , vt quemque pro

Ambr li.  
de instit.  
Virg.c.7  
S.Tho.3.  
d.3 q.1  
a.2.que-  
stion. 1.  
ad 4.  
Alenf.3.  
p.q.9.m.  
3 ar. 1.

captu

capto suo penitus illapsa perfundat ?  
 Beati profecto, qui dum Reginae suae  
 vultum summis votis expetitur cer-  
 nent, purissimam haurient volupta-  
 tem, nec illa vnquam se carituros for-  
 midabunt.

## Nobilitas. Cap. V.

**V**Im amoris effectricem nobili-  
 tas habet, quod omnium con-  
 sensione gentium claritatem generis  
 aestimantium satis astruitur. Regina  
 ergo Caeli, si carnis concretio specte-  
 tur, è stirpe regia ducit genus, quod  
 Ecclesia canit in hæc verba:

*Clara ex stirpe David.*

Ceterum ad amorem excitandum  
 pondus addit immensum nobilitas il-  
 la, quam ex vnigenito Dei Filio è pu-



ro ipsius sanguine corporato contraxit : quæ ad S. Thomæ mentem, quædam cum Deo affinitas est . Huc spectat dignitas Matris , quam esse suo genere infinitam , cum sit suprema cum infinita Verbi persona coniunctio , idem Doctor asseruit . Si ergo ex terreni Principis affinitate nobilitas inter mortales acquiritur ; quam erit eximia , quæ ex summo ipso Deo genito paratur ? Quid quòd Dei Filius non affinis tantum , verũ & consanguineus Virginis , vt optarat , euasit ? Infra nobilitatem hanc nobilitas quoque Seraphica , quantumuis euecta , subsidit , & honorificum ducit Reginæ tantæ subesse . Huc certatim aspirandum est , vt obscura mortalitas in statum nobiliorem traducta clarescat .

S.Th. 2. 2.  
q. 103. 2.  
4 ad 2.

1. p. q. 25  
2. 6. ad 4

## Sapientia . Cap. VI.

**Q**uam sit expetenda sapientia, satis euincitur ex laboribus summis, quos viri clarissimi exantlarunt, ut longis itineribus, quos doctrina excellere, fama erat, conuenirent. Sic è sacris Salomonem exteri permulti, inter quos Saba Regina, quæ ex eius ore suspensa pepedit: & è profanis Pythagoras Memphiticus vates, Plato Archytam Tarentinum, Appollonius Hiarcham è patrijs profecti sedibus, per regna longe disita, solo sapientiæ amore capti adierunt. Cùm ergo Regina Celi Sapientiam ipsam, Vnigenitum videlicet Dei Filium, alta mente conceperit, & ad regiæ dignitatis proportionem, sapientiæ potum è propin-

S Hier.  
epist. ad  
Paulinũ.

quo

quo fonte hauserit; quis possit exprimere, quo sit amore digna ex eo capite cumulatissimæ sapientiæ, quæ animum ipsius luculentissime illustrat, & honestat? Inter aliarum Virginum laudes Ecclesia reponit illam:

*Hæc est Virgo sapiens, & una de numero prudentum.*

Quàm ergo erit sapiens Regina Virginum, quæ Diuinitatis arcana sublimissima contemplatione percepit? Felices, qui assistent ei, diuina ipsius sapientia fruituri.

## Gratia. Cap. VII.

**Q**ui apud mortales Principes gratia valent, impensius, quàm dici possit, amantur, quod Curiaë lætatoribus perspectum est. Astruitur

hoc

hoc aulicorum comitatu, muneribus, & affectatis etiam obsequijs : omnes quippe vellent, eos, quos gratia principum extulit, habere propitios. Cùm ergo Regina Cæli immortalis Regis gratia plurimùm excellat; cæcus profectò ac delirus est, qui eam summo prosequi amore, & quibus possit obsequijs velut demereri non satagit. Esther Regina benevolentiam, ex quo Assueri gratia, præ ceteris puellis, valuit, omnes solícite captabant. Nec mirum : nam vt sacer habet textus :

Esth. 2.

*Erat formosa valde, & incredibili pulchritudine, omnium oculis gratiosa, & amabilis videbatur.*

Pauloq. post :

*Et adamavit eam Rex plus quàm omnes mulieres, habuitq. gratiam, & misericordiam coram eo super omnes mulie-*

*res,*

res, & posuit diadema regni in capite eius.

Esther itaque suavi formæ vi regis animo hæsit, regniq. proinde consors effecta, se gratia præstare, & quicquid vellet, impetrare posse persuasit: quod ad gentis vniuersæ animos demulcendos efficax proculdubio argumentum fuit. Cum ergo Regum Rex Mariæ pulchritudine captus, illam ad regnum euexerit; quis non liquidò perspiciat, eò sublimem Reginam pertigisse, ut pro ijs, qui supplices ei libellos porrigunt, possit obtinere quod velit? Rationis augetur vis, si gratiæ dignitas expendatur. Est. quippe gratia hæc, quam extollimus, non extrinsecus affixa, qualis gratia Regis Assueri; sed intus recepta, à Theologis, gratum faciens, appellata, quod animum na-

B

turæ

turæ diuinæ consortem, Deoq. propterea gratum efficiat. Ex eo enim Diuinitatis consortio mirus quidam existit effectus, ut animus gratia exornatus, eximia pulchritudine præstet, nequeatque maiestati diuinæ ex eo capite non placere, cum eius similitudinem gerat. Quò autem gratia hæc in Maria processerit, bene coniectabit, qui eam æterni Dei Genitricem esse meminerit, & Filij tanti erga Matrem tantam, immensum amorem pensitauerit. Non abs re Theologi plerique classici censent, plus gratiæ in eam vnā, quam in vniuersos Angelorum choros, hominesq. iustos simul acceptos fuisse collatum. At rem hanc omnino grandem quis æquis bilancibus possit appendere, excepto Deo, qui satis nouit, quos in Maria thesauros

condi-

condiderit? Si Maria, ut Epiphanius dixit, solo Deo excepto, cunctis superior existit; cui nisi Deo soli gratiæ in eam collatæ reseruatur expensio? Hac de causa de excelsissima Virginis gloria, quæ gratiæ respondet, nihil dicendum, sed cedendum est.

Epiph.in  
orat. de  
lau. Vir.

## Opulentia. Cap. VIII.

**D**ivitiarum amorem conciliant: nam qui bene nummati sunt, tametsi nec forma, nec venustate præcellant, auro speciem addente, impensè amantur; multusque propterea eis honor defertur. Quid ergo de Regina Cæli sentiendum, quæ Dei opes, uti proprias possidet, atque dispensat? Huc confert illud Bernardi:

*Intuere, ò homo, consilium Dei, cale-*

In ser. de  
natiu. B.  
Mariæ.



sti rore aream rigaturus, totum vellus prius infudit: Redempturus humanum genus, pretium uniuersum contulit in Mariam.

Quorsum autem contulit, nisi ut Mariæ opibus ditemur, & quicquid boni recipimus, eidem feramus acceptum, quod Bernardus ipse post pauca subtexuit in hæc verba:

Altius ergo intueamini, quanto deuotionis affectu à nobis uoluerit honorari, qui totius boni plenitudinem posuit in Maria: ut proinde si quid spei in nobis est, si quid gratiæ, si quid salutis, ab ea nonerimus redundare, quæ ascendit delicijs affluens.

Qui ergo veras diuitias parare cupit, Virginis amorem altè concipiat, eiusq. contempletur opes, quibus nihil inter puras creaturas pretiosius reperitur.



peritur. Studeat inter aulicos Regina  
tam diuitis recenseri vt locuples fiat:  
fit piè cupidus: inculpatamq. cupidita-  
tem existimet, quæ non auro, vel ar-  
gento, sed bonis cælestibus, è Mariæ  
gazophylacio depromptis explebitur,  
nec vllum patietur decrementum.

## Potentia. Cap. IX.

**M**ortalium fragilitas potentiæ  
alicuius omnino magnæ, à  
qua protegatur, cupidissima est. Ex  
quo efficitur, vt qui ab hostibus infe-  
stântur; ad Principum, quos potentia  
pollere, fama est, tutelam, velut ad  
bene munitam arcem confugiant.  
Quænam verò arx tutior, aut quæ po-  
tentia maior, quàm Regina Cæli,  
quæ inuictissimis à Deo viribus robo-

rata, & regno, quod expugnari nequit, præfecta est? Iosephi potentiam Ægyptus demirata est, ex quo peruulgata fuere Pharaonis verba hæc:

Gen. 41.

*Tu eris super domum meam, & ad tuioris imperium cunctus populus obediet: uno tantum regni solio te precedam.*

Et hæc:

*Ego sum Pharao, absque tuo imperio non movebit quisquam manum, aut pedem in omnem terram Ægypti.*

Hæc, ut audiuit Ægyptus, Iosephum certatim amavit, & coluit. Cum ergo populus Christianus, Reginam cæli mundo vniuerso præpositam esse, vnoq. duntaxat diuinæ Maiestatis solio præcedi, certò nouerit; debet profectò potentiam tantam suspicere, amare, ac ritè colere. Debet quouis imminente periculo, ad Virginis tute-

lam

lam quantocyus se recipere, omnino  
fidens, ad Reginæ tantæ imperium,  
mala omnia procul arcenda, bonaq.  
omnia feliciter successura.

## Misericordia. Cap. X.


**V**El sola Reginæ Cæli misericor-  
dia deberet mortales vniuer-  
sos ad eius amorem efficaciter flecte-  
re. Sunt enim tot, tam crebra, tam  
illustria eius virtutis testimonia, vt sa-  
xa quoque ipsa possint emollire. Ni-  
mis operosum ac prolixum foret, au-  
gusta orbis Christiani templa, in Vir-  
ginis honorem, Deo dicata percense-  
re, quorum parietes tabellis ex voto  
suspensis obteguntur, in animi grati  
signum, ob accepta multiplicia bene-  
ficia, è misericordia Virginis, velut è

salutis officina, profecta. Quod adeo verum, vulgatum, & creditum est; ut in summis periculis, ob antea acta experimenta, nullum Christianis praesentius remedium videatur, quam inuocatum nomen Mariæ, quo salus expectata citius interdum obtinetur, quam commemorato ipso nomine Iesu, ut Sanctus observauit Anselmus in hæc verba:

Lib. de  
excel. B.  
V. Mar.  
c. 6.

*Velocior nonnunquam salus memorato nomine eius, quam inuocato nomine Domini Iesu unici filij sui.*

Si ergo Regina misericors tam est velox ad auxilium; quis eam ex hoc capite non amet, & suauissimum eius nomen centro cordis insculpat?



Mul-

# Multiplices aliæ dotes.

## Cap. XI.

**D**Ecem promptissimas dotes, quasi totidem amoris stimulos, qui ad amorem Virginis pium quemque perurgent. At sunt dotes aliæ permultæ, quæ in amoris fomenta æquis æstimatoribus vertuntur. Huiusmodi est modestia illa Reginae Virginum propria, quæ pulchritudinem insigniter auget. Maiestas Regia, quæ non minus amoris, quam venerationis ingenerat. Facilitas exaudiendi, quæ nihil suavius possit excogitari. Mansuetudo illa planè dulcissima, quæ indomitas quoque feras leniret. Amor immensus erga homines, quibus quantumvis fla-

gitio-

gitiosis, & in desperationem actis præsentissimum ferre solet auxilium. Quis ergo ita desipiat, vt Reginam tot eximijis dotibus exornatam, & in opus nostræ salutis intentam non impensè amet, eiq. se totum, vt fidissimæ tutelari dedat?

## Ecclesiæ affectus erga Cæli Reginam. Cap. XII.

**I**s, quas leuiter attigimus, dotibus Ecclesia ducta, purissimæ Virgini laudes innumeras suauis concentu, velut quoddam amoris tributum, reddere consuevit. Quod vt religiosius efficeret, è Scriptura sacra, & Sanctorum

scriptis

scriptis symbola , epithetaq. varia excerptis , quibus in solemnibus eius festis vteretur . Huc pertinent illa pulcherrimis decorata metaphoris , & notis , quasi hieroglyphicis picta , Ianua Cæli , Speculum sine macula , Turris Daudica , vel eburnea , Fœderis arca , Hortus conclusus , Gedeonis vellus , & id genus alia , quæ in Ecclesia canuntur harmonicè , vnde pijsimi , ac tenerrimi affectus largo cum lacrymarum imbre dissultant . Ad sensum ergo Ecclesiæ pius quisque tenero affectu , & quibus possit externis testari amoris actibus , spontaneum aliquod velut tributum Cæli Reginz rependere debet , quod seriò discernendum est .

---

PARS

---



PARS SECVNDA.  
DE CVLTV  
REGINÆ CÆLI.



Quid primùm à cultore  
Virginis præstandum.

Cap. I.

**P**RINCIPIO enixè pre-  
cetur, ne Regina Cæli a-  
spernetur hominem hu-  
mi defixum; potiusq. ex  
ingenio suo liberalissimo, eius tute-  
lam suscipiat. Poterit autem oratione,  
vel etiam sacrificio Missæ præmisso in

hunc



hunc modum , in templo , vel oratorio aliquo, se totum Virgini offerre .

Clementissima Cæli Regina , & spes firmissima salutis meæ ; Ego N. benè conscius meæ indignitatis, animi demissione, quàm possum, maxima, animo tuo ad miserendum promptissimò frētus, me totum tibi offero, req. in tutelarem meam, per totius vitæ decursum eligo . Obsecro ergo te , Regina mitissima , per viscera Vnigeniti Filij tui , ne me despicias , sed mei protectionem, tutelamq. suscipere digneris, vt sub auspicijs tuis, vitam in Dei amore, castoq. timore perseueranter ducam .



Quid

Quid

# Quid ob tutelam Virgini reddendum.

## Cap. II.

**N**on est habenda neglectui Virginis protectio, neque temerè credendum eam, vt optamus, fore ratam, nisi, qui boni tanti cupidus est, peculiare quippiam impendat, quod prudenter possit in argumentum susceptæ protectionis vertere. Pie autem, & prudenter creditur, eum, qui Reginae cæli, aliàs ad opitulandum propensæ, cultum peculiarem affert, peculiari quoque tutela ab ea protegendum. Erit ergo ad rem, vt qui per totius vitæ cursum, à tutelari tanta muniri de-

poscit,

poscit, perennem aliquem cultum reciproco affectu rependat. Habebit autem delectum cultus, quem decernere parat, qui statui, negotijs, & circumstantijs congruat. Alij quippe precationem, quam Virginis coronam appellant, alij officium eius paruum, alij Sabbati ieiunium, alij Missam de B. Virgine, alij certas eleemosynas ad puellas inopes nuptui tradendas, alij alia seligunt, quæ affectus suggerit pius. Alij feruntur ulterius, spondentq. se nihil ob amorem Virginis postulatum negaturos. Alij ad respirationes singulas, se totos Virgini offerunt, ad quælibet ardua ipsius amore tentanda comparatos. Ex ijs ergo, vel eius generis alijs lector, delectu habito, vel vnum, vel plura constanter exequi statuet. Poterit autem in hunc modum

cum

cum Cæli Regina pacisci:

Clementissima Cæli Regina, cuius protectionem summis votis exopto, Ego N. Vnigeniti Filij tui gratia, tuoq. præsidio fretus, decerno per totius vitæ decursum, tibi peculiari studio famulari: in cuius obsequij signum, statuo, me diebus singulis, in tui honorem, officium paruum recitaturum, vel certam hanc eleemosynam erogaturum, &c. Nec oblationem pauperis respuas, Regina mitissima, sed inopiæ meæ miserta orantem admitte, atque tuere.



Quid

# Quid à quouis Reginae cali cultore praesertim agendum. Cap. III.

**P**otissimus Virginis cultus , ab  
eaq. praesertim expetitus , eius  
imitatio est : Quicquid enim eius cul-  
tor agat , si moribus ab ea dissentiat ,  
parum sanè proficiet. Nam licet Regi-  
na misericors scelestos minimè paucos  
cœptis vitijs insistentes , ipsam tamen  
quotidie precari solitos , in extremo  
agone mortis protexerit ; non inde  
conficitur , ut pium , prudensve con-  
siliū sit , imitatione neglecta , in ali-  
qua precatōe , vel ieiunio Virgini  
destinato spei multum reponere , cū

**C**

eidem

eidem Virgini sordida vita displiceat. Prima ergo cura sit, ut qui Cæli Reginam cupit sibi esse propitiam, eius vitam innoxiam imitetur. Ne vero imitationis studiū vniuerse acceptum, quasi vagum, & incertum minus ad praxim deriuetur; proderit virtutem aliquam peculiarem, puta humilitatem, vel mansuetudinem seligere, in quam imitator neruosius incumbat. Imitationis autem propositum poterit in hunc modum concipi;

Clementissima Cæli Regina, & absolutissimum sanctitatis exemplar, Ego N. Vnigeniti Filij tui, tuoq. auxilio innixus, constituo, virtutes, moresq. imitari tuos, ut tibi ea similitudine placeā: quod ut rectius efficiam, humilitatem tuam, vel mansuetudinem, vel castitatem, mihi peculiariter

ad



ad imitationem præfigo . Supplex ergo oro te , Virgo purissima , mihi adsis , vt tantæ virtutis amore flagrem , eam fidissime colam , eaq. parata , tui similis euadam .

## Quid summo mane à cultore Virginis præstandum. Cap. IV.

**F**Idus Virginis cultor , quotidie summo mane , se suaq. omnia non modò ad diuinæ maiestatis , verum ad Reginae Cæli gloriam dirigere debet , quod passim à viris pijs fieri consuevit . Poterit autem vti directione hac :

Clementissima Cæli Regina , cui

C

2

placere

placere cupio, Ego N. offero me ipsum, cogitationes, verba, operaq. omnia vitæ totius, peculiariterq. huius diei, ad Diuinę primū, & mox ad tuę Maieſtatis gloriam: firmiterq. ſtatuo, culpas omnes cauere, bonisq. operibus, quoad potero, tui gratia conſtanter inſiſtere. Precor ergo te, quā poſſum impenſe, Regina humaniſſima, me per omnia dirigere, ac tueri digneris.

## Quid in proceſſu diei ad cultum Virginis agendum. Cap. V.

**S**edululus Virginis cultor nec deſiderium, nec officium explet, ſi matutina, quā præſcripſimus, dire-

ctione



ctione vtatur : sed, vt experientia multiplici constat, antequam opus quodlibet, puta officium diuinum, Missæ sacrificium, concionem, sacram confessionem, sessionem aliquam, prandium, cœnam, negotium quodpiam inchoet, breui animi ascensu, siue eleuatione, actum instantem ad Reginæ Cæli gloriam, se piè exequi velle discernit in hunc fere modum :

Clementissima Cæli Regina, actum hunc concionandi, sacrificandi, negotium gerendi, &c. ad Diuinæ primum, deinde ad tuæ Maiestatis gloriam ex animo dirigo : precorq. vt, te fautrice, piè agam, & ab omni culpa procul absistam.



## Quid ante somnum à Virginis cultore obser- uandum. Cap. VI.

**E**Xamine conscientiae præmisso, & maiestate diuina nonnullis contritionis actibus, & precibus propitiata, Virginis cultor, antequam cubitum discedat, salutationem Angelicam, vel Antiphonam, Salve Regina, cunctanter recitet, Reginaeque Cæli auxilium ad noctem illam inculpate ducendam, multa cum animi demissione deposcat. Poterit autem vti prece hac :

Clementissima Cæli Regina, & ar-  
tutissima miserorum ad te confugien-

tium

tium , te precor , quàm enixe possum ,  
nocte hac mihi adsis , vt necessario  
somno , absque vllò animæ damno ,  
refectus ad tuas laudes euigilem .

## Quid in Virginis festis a- gendum . Cap. VII.

**T**Empus anteuertendum est , &  
per dies aliquot ante festum ,  
peculiare quippiam in Reginæ Cæli  
honorem præstandum , cuiusmodi est  
certus aliquis adorationum , seu pro-  
strationum numerus cum seria Virgi-  
nis inuocatione , frugalitas aliqua in  
victu moderata , seu vigiliæ ieiunium ,  
eleemosyna ob amorem Virginis ero-  
gata , vlus cilicij , & verberum , simi-  
lisve alia corporis castigatio , & in ipso

denique festo sacra confessio , & Eucharistiæ sumptio pensitior , quàm diebus alijs , & religiosior .

## Qualis erga Cæli Regi- nam debeat esse deuotio . Cap. VIII.

2.2.q.82  
ar.1.

**D**euotio ex S. Thoma , est voluntas quædam promptè tradendi se ad ea , quæ ad famulatum Dei pertinent . Ad hunc ergo sensum , proportionè seruata , deuotio erga Virginem , erit prompta quædam , & parata voluntas exequendi ea , quæ ad eius attrinent cultum .

Quocirca qui Cæli Reginam , vt par est , colere decernit , quicquid ad ipsius

spectat

spectat honorem , expedite , & alacriter expleat , occasionesq. illius laudes celebrandi , eius historias lectitandi , miracula & beneficia recolendi , suavisimum Mariæ nomen inuocandi , aliosq. ad eiusmodi actus pros inducendi capter : quod sanè studium lætitiæ spiritualis , spei , ac meriti feracissimum est .


Qualis esse debeat Virginis æstimatio .

Cap. IX.

**V**erus Virginis cultor ità erga cæli Reginam debet affici , ut postquam omnia superius præscripta expleuerit, nihil se putet egisse; illamq.

supplex

supplex oret , dignetur eum , inter  
 cultores suos gratis recensere . Quid  
 enim celsitudine , ac maiestate tanta  
 dignum mortalis homo culpæ vincu-  
 lis innexus , & graui hæreditariæ fra-  
 gilitatis morbo æger possit offerre ?  
 Profecto etsi omnes mundi opes , ho-  
 nores, voluptates aspernaretur, & acer-  
 rimos Virginis gratia ferret cruciatus,  
 deberet se illius tutela planè indignum  
 profiteri , eiq. se torum ob solam ip-  
 sius puritatem , sapientiam , &  
 pulchritudinem , velut em-  
 ptum mancipium dede-  
 re: Hæc Regine Cæ-  
 li æstimatio  
 est .



Precatio, quæ præcipuas  
Summi Pontificis  
curas comple-  
ctitur.

**C**lementissima Cæli Regina, &  
spes firmissima salutis meæ, ob-  
secro te, per immensi amoris incen-  
dium, quo flagras erga Vnigenitum  
Filium tuum, dirigas me illius Vica-  
rium, vt ei tam in vitæ integritate,  
quàm in creditæ mihi ab eo Ecclesiæ  
regimine, per omnia capita congruâ,  
nec vnquam ob vllam prosperitatem,  
siue aduersitatem ab eius mente dis-  
sentiam. Per te Regina potentissima,

Ec-



Ecclesia militans protegatur, ut quicquid habet boni, alatur, & crescat, & quicquid admixtum est, vel imminet mali, procul arceatur. Tuere, & promouē, fidissima tutelarum nostra, Ecclesiasticam Hierarchiam, ut qui in partem Apostolicæ sollicitudinis, mihi adiuncti, & subiecti sunt, mecum in opus, quod à Filio tuo nobis commissum est, exemplo vitæ, & pijs laboribus incumbant: atque adeo Cardinales, Patriarchæ, Prælati, Archiepiscopi, Episcopi, eorumq. Vicarii, Parochi, & alij quouis nomine animarum curam gerentes, iuxta officium quisque suum, vitæ puritate, Ecclesiasticæ disciplinæ studio, idoneo Sacramentorum ministerio, & animarum eis subditarum cultura præcellant. Sacerdotes alij, & clerus uni-

---

uersus



uerlus functiones suas legitime obeāt ,  
& inculpate uiuant : Concionatores  
Iesum Christum crucifixum prædi-  
cent : Monachorum , sacrarumq. Vir-  
ginum claustra florentia vigeant , &  
deformata reformatur : cunctusque  
populus Christianus diuinæ , & Eccle-  
siasticarum legum præcepta custodiat,  
& Sacramentis ad eius salutem insti-  
tutis digne , ac frequenter vtatur. Pax  
multa per te , mitissima Regis pacifici  
mater , ætate nostra firmetur , vt om-  
nes Principes Christiani in veram  
concordiam , te animos conciliante ,  
conspirent ; & vbi aduersus infideles  
bella gerunt , inter se fœderati de ho-  
stibus Ecclesiæ victoriam reportent :  
Schismaticiq. omnes iugo Filij tui sua-  
ui collum subdentes ad Ecclesiæ re-  
deant vnionem . Per te fortissima hæ-

resum

resum interemptrix , hæreticorum  
conatus reprimantur , & in Christia-  
nis academijs doctrina Catholica in-  
tegra constet , vt vincat veritas , Vni-  
genitus scilicet Filius tuus . Per te dul-  
cissima misericordiæ Mater , conuer-  
tantur non modò Christiani peccato-  
res ad iustitiam , sed infideles ad Ca-  
tholicam Ecclesiæ Romanæ fidem ,  
quæ per dilectionem operatur , vt  
fiant è selecto numero populi , quem  
acquisiuit Redemptor noster pretio  
sanguinis sui . Per te denique , libe-  
ralissima cælestium bonorum dispen-  
satrix , & suauissimum omnium ad te  
suspirantium refrigerium , reparentur  
damna omnia nostris animis , & cor-  
poribus illata , & abunde proueniat ,  
quicquid desideratur boni , vt confe-  
cto mortalis vitæ cursu , ad optatissi-

mam

mam perueniamus Dei Ciuitatem,  
quam inquirimus, & summo,  
ac sempiterno bono per-  
fruamur.

F I N I S.

1,05.240



21417







—







